

宋史全文續資治通鑑

三十一

宋史全文續資治通鑑長編卷之三十六

理宗六

政圖公法

開慶元年正月乙巳朔詔朕臨御以來于今三紀小心翼翼夙夜不敢康寧方今國事正殷四郊多壘環視宇內罕如人意皆前日因循苟且養偷惰滋至於今可不戒哉載更丕化肇紀新元賴爾股肱惟良暨中外小大之臣茂迎天運相與維新以公心奉公法以實政圖实效使元氣壯而精神衛中夏安而遠人服庶幾祖宗開定慶曆之盛則予一人以擇○都省言蜀報日急虜犯忠活浸迫夔境詔蒲擇之馬光祖應戰守調遣照便宜指揮行○辛亥都省言成蜀官兵頻年戰禦酷暑隆冬暴露可憫合與更戌今正當捍禦之時詔蒲擇之加抚重犒候防春畢日更替○癸丑詔呂文德築城黃平深入蛮戎抚輯有方進官二等○庚申李曾伯奏韃犯邕筦知濱州呂振龍知象州奚必勝輒離官守而遁橫州守臣劉清卿乃能設隘堅守一郡按堵詔振龍必勝並追毀拘管外州清卿進官一等○壬戌上曰北騎盤泊涪州不可不速為馳逐之計大全奏今日備禦莫切於兵與食○癸亥大全奏士大

軍○丙寅上曰海道戎兵雪寒心與在城寨者不同可量與給稿一次大全奏敬遵聖旨○丁亥詔賈似道以樞密使為京西湖南北四川宣抚大使都大提與兩淮兵甲湖廣總領知江陵府時蜀帥蒲擇之以重兵攻夔

慶順慶諸郡閩達慶元為浮梁於涪州之屬市蜀道梗絕故有是命○辛卒而嬰狂胡其不諛事者正為此也○壬申上曰耶一兵帥廉實可取士大夫亦難主且當留之維揚○癸酉築城欲勸富民助之決不仁民一念上通于天○己巳以權吏部侍郎兼國子祭酒權太子

士院張鎮知禮部貢舉起居郎兼侍講吳大猷知兼中書舍人王景齊同知貢舉左司諫沈炎監試○二月癸朔御札付知貢舉張鎮已下擇體國籌邊尊王上民之學詔京湖制置司

理宗開慶元年

參謀官王登素懷忠義累著勲勞而歿特贈官五等合得致仕恩外更官其一子

即位以來嘗以憂勤為心未嘗一日以位

於憂勤終於逸樂今聖心一於憂勤過文武

士壁提師已到忠州忠

指驅報國之日若人人

場未戰調度尚繁出內庫

以馬光祖為資政殿學士沿江制置大使江東安撫使知建康守

○丁亥上曰蜀中之警皆

南北皆有哨騎所以重

政獄又且淹延非所以

戒飭公務要政平訟理違許按

九百石有奇賑都民○二月已

渠縛橋及在江南作過姦謀下

詔如能出奇所橋襲奪有顯著

之士云頂山等

謹遵聖訓○丁巳以口

知重慶府○戊午上曰近有言備邊之策當於江北做規模不當

於江南做規模大全今日處

辛酉雨土○已巳上曰向士壁

近日賈似道移司荆蜀犒軍尤

行師以輕財為先○四日乙亥

於王事忠亦可褒詔各

其一子○甲申上曰昨日李遇

折不回真可為列城之倡更富

晉都省言知施州謝昌

子山合與推賞詔進官

刑獄以五月按理囚徒

宜因任不必數易以重州郡

辛亥上曰諸蠻乃羈縻之國且

固結其心大全奏此事已累次

冒橋趾口文德等與宣司所調

車皆克攻斷浮梁詔立功將

理示開慶元年

辭難功未及成

士遷補有差○以權工部侍郎兼侍讀翁應弼秘書少監兼權直
 學士院崇政殿說書洪芹秘書郎兼資善堂直講文若訥為殿試
 詳定官○丙辰御集英殿策進士○丁巳御後帳閱武卒進士射
 ○乙丑詔鑄新錢以開慶通寶為文○戊辰上曰呂文德將達重
 慶合渝守城之賞不可緩奏以待文德申上斟酌推賞上曰
 亦須先降指揮以激昂之氣○辛未賜正奏名進士周震炎
 以下四百四十二人及第出身同出身○壬申賜特奏進士三百
 九人○六月甲戌宣司奏呂又德乘風順戰勝遂入重慶○御筆
 蜀事方殷軍力勞瘁彼堅者疲於戰關服業者苦於流離間有脅
 從亦非本志興言及此痛切朕心幸新闢權期復舊觀仍降詔撫
 諭○御筆呂文德身先士卒斷橋梁蜀道已通忱可嘉尚令李
 士院降詔獎諭○辛巳以朱熹為參知政事饒虎臣同知樞密院
 事○己亥上曰呂文德入重慶歸界之以閩寄又寵之以齋鉞可
 謂榮矣猶未肯領何也大全奏文德受國厚恩正捐軀報國之日
 此番宋良信賚印授往不容辭矣○御筆賈似道將指于宣勇往
 就道遣援軍餉動中事機曲日月之幾何竟氣象之頓異賢勞忠

亦委有可嘉今李士院降詔獎諭○辛丑上曰呂文德力辭閩寄
 只得勉之况合州之圍已解亦其應援之力大全奏君命豈可有
 辭之理終須領職○壬寅太白晝見○七月丁未上曰日來郡守
 多不安於久任坐席未溫便欲謀進大全奏更迭祖宗成法亦須
 民庸既著方可寘之朝列○辛亥太白入井○戊午詔四川選人
 應闕陞磨勘改官銓審守臣申辟倅令可從舊隸宣司審量○癸
 亥以蔡抗薨輟視朝○甲子上曰蜀閩之命文德尚辭恐失事機
 大全奏間已遣兵遣將况蒲擇之既出峽尤不可辭其責○八月
 壬申朔上曰蒲擇之已出峽文德未肯受命賴李遇龍任責經理
 但糧頗艱宜急催趣大全奏當下宣司俾承聖訓○詔令戶部下
 諸路申嚴州縣增收租米斛面之弊○丙子上曰近聞邊閩科降
 之數頗多只得挨那應之大全奏邊面既闢備禦亦廣科降之數
 十倍常時所仰者楮耳印造多折閱之患不容不預為之慮○丁
 亥上曰兩日之雨如傾深為歲事之憂夜來幸稍霽大全奏此皆
 聖德所感庶糴事不壞於垂成○戊子上曰江塘近為潮水衝決
 宜急修整大全奏昨日顧岳過臣已面趨之○丁酉上曰連日之

理...開慶元年

北兵
復江

戴慶
規急

丁大
全罷
左相
賈似
道右

兩恐害穡事大全奏朝廷寬恤之政已備講行復命從臣禱于群
祠○庚子上曰且喜晴霽歲事可保大全奏此皆陛下力行好事
感格如此是夜太白犯權火星○乙巳都省言兩浙雨多詔漕司
行下諸郡縣守令依親詣寺觀神祠精加祈禱○是日韃兵犯
許黃州攻圍鄂渚○壬子賈似道奏水陸之師至于鄂時韃國兵
大入值江制副征魚湖利虐甚漁人獻舟於北遂自黃州沙武
口透渡江南中外震動○丁巳上曰聞魚湖清野不早致被北騎
衝突奪民船為筏在江面作過不可不亟為之備大全奏須得上
下流戰艦夾擊方可遏其勢已下宣司江閩矣○右諫議大夫戴
慶河奏濱江一帶兵衛單弱向裏防拓路頭散漫事勢豈可與尋
常哨掠者同日語今須急作規模大為措置引咎責躬痛自克厲
以振起天下忠臣義士之氣博求謀畫號召材武使吐奇計出死
力以衛社稷亟命宣閩副閩水陸夾擊共期肅清詔從之○庚申
以觀文殿大孝士崇國公吳潛為醴泉觀使兼侍讀奉朝請戴慶
河為端明殿大孝士僉書樞密院事○御筆朕德不類馬上流省
躬引咎惟自克責然祖宗深仁厚澤涵養之天下豈無忠臣義士

奮勵感發出力以衛社稷者諸閩各擁良將勁兵亦當同謀叶智
勿以限界為拘共圖偉績可降詔勉諭尋詔出內庫楮幣一千万
銀絹五百疋兩付宣司楮幣五百疋兩付副司支費
仍備黃榜軍前曉諭所調淮東五万兵令監察御史陳寅催促進
發○癸亥以趙葵判慶元府江制副司督趣調兵再出內庫楮幣
五百萬銀絹二万疋兩付兩淮制司楮幣二百万銀絹一万疋兩
付江制司支費○丙寅詔上流事急令侍從臺諫卿監郎官赴
都堂集議以聞○以賈似道兼節制江西二廣人馬通融調度應
援上流馬光祖進司江州史岩之進司壽昌軍○丁卯以邊事孔
棘命群臣奏告天地宗廟社稷宮觀嶽瀆諸陵○戊辰太白犯熒
惑○十月壬申丁大全罷以觀文殿大孝士判鎮江府以吳潛為
左丞相兼樞密使賈似道為右丞相兼樞密院使茂國公宣撫大
使等如舊以趙葵為江東宣撫大使○庚辰御筆令孝士院降詔
自今月十一日為始避殿減膳徹樂以示朕抑畏之心○詔合圍
已解坤維頓清皆宣闡指授之功與制臣調遣之力以至二三夫

理宗開慶元年一

將竭盡忠勞遂使百萬生靈免罹左袵勲庸甚懋旌賞宜優呂文德特授檢校少師李遇龍進官二等權刑部侍郎各賜金幣將佐以下進秩賜金有差○辛巳御筆令李士院降詔撫諭四川將仕軍民務在懇切以示朕眷焉西顧之意○詔曰北兵侵犯中原如江北岸黃州漢陽軍江南岸鄂州壽昌軍與國江州隆興諸州多有驚移百姓遷城郭之人切恐無以自給仰三省行下各郡不以是何策名見管錢米隨宜賑恤不許漏落泛濫有失朝廷推行實惠之意如有違戾重責典憲○壬午詔袁玠奪五官送南雄州居住以御史陳寅言其屠害良民可取漁舟以資敵之鄉導也○癸未詔以蜀道用益監司州郡調度不給其來歲准貢天基聖節銀特免○甲申以向士璧為湖南安撫使知潭州任責捍禦○詔丁大全落職罷新任以諫臣曹永年再疏其罪也○乙酉雷○十一月庚子朔都省言達謀幹腹拓裏當嚴湖南諸郡土豪及諸峒俊傑其間豈無奮發忠義事功之人合立賞格招諭從之是日呂文德提兵至鄂○詔賈似道移司黃州先是諸路重兵咸聚於鄂北軍幹腹一道由全永至潭州江西震動監察御史饒應子言今精

兵健馬咸在關外湖南江西地闊兵稀雖老臣宿將可以鎮壓然無兵何以運掉敵之來當自內托出不當自外趕入上然之遂有是命黃在鄂中流乃北騎往來之衝危道也大將呂文德遣孫虎臣將精兵七百護送至蕪草坪候騎曰前有兵似道愕然曰奈何虎臣匿似道自挺身出戰既而北軍乃老弱部所掠金帛子女降將諸再興騎牛先之虎臣擒再興遂入黃州下流之兵始振○辛丑詔行寬恤十有三事○壬寅以朱熠兼權知樞密院饒虎臣戴慶炳權參知政事○癸卯以夏貴兼金吾衛將軍總領淮東出戍軍馬○趙葵言北兵渡江皆因袁玠剋取漁湖之利極其慘酷雖已行罰未足以正設國之罪詔袁玠追毀除名勒停拘管萬安軍○丁未詔北兵渡江多有被擄之人驅逐攻打城壁及當前鋒豈其本心良可痛念又上流失業者其間豈無土豪彊壯或轉為剽掠是致資敵各立賞格招諭○戊申御筆朕以國家多難下詔責躬避殿減膳徹樂罷土木出宮人痛自貶損益務儉約以至黜貪暴首賊斂釋禁錮恤冤枉庶幾悔過之實感動天人之心尚慮言路之未通莫紓人情之久鬱可令內外臣庶凡目前急政要務朝

理宗開慶元年

廷闕失並許極言毋隱以副朕側身引咎之意李士院降詔○
 詔出內庫楮幣五十萬犒內外諸軍○甲寅以與憲為浙西制置
 大使知鎮江府杜庶兩淮制置使知揚州○乙卯詔丁大全奪三
 官以御史朱繼孫疏其罪也尋削再奪○己未以趙葵為少保江
 東宣撫大使節制饒信臨江撫吉官軍民兵○庚申詔朕有虎臣
 時為德令其部曲將夏曹提師征行道出輦下所當撫勞以示優
 恩令閣門引見○閏十一月癸酉雪出封椿庫楮幣二十萬賑都
 民二衙諸軍亦如之○辛卯賈似道奏諸將大捷于鄂城鄂圍解
 凡百餘日○以呂文德為檢校少傅京西湖北安撫大使兼制置
 使知鄂州○乙未與憲言漣水失守孫逢吉棄城而歸已行軍法
 策應葉再遇不能應援詔奪二官與憲尋與宮觀○十二月辛亥
 詔以來年正月一日改為景定元年○壬子吳潛改封許國公賈
 似道改封肅國公○庚申群臣請御正殿復常膳表三上乃從之
 ○詔鄂渚之重圍雖解湘潭之凱奏雖馳然四境未底於肅清二
 軍方疲於戰鬪人民離散并品擢發每一念之寸心如灼其天基
 聖節稱觴賜宴並免○壬戌陳韓洛致仕以觀文殿李士充醴泉

觀使兼侍讀徐清叟以資政殿大李士提奉佑神觀兼侍讀趙汝
 騰端明殿李士提奉佑神觀兼侍讀兼翰林李士承旨

庚申 景定元年正月丙子御筆賈似道親提大兵以解鄂渚之圍
 勳烈之盛良用嘉歎可令李士院降詔獎諭○詔賈似道赴關○
 庚辰詔呂文德為檢校少傅京西湖北安撫大使兼制置使知鄂
 州○是夜歲星熒惑合于尾○乙酉都省言潭州醴陵縣當衡州
 之衝比北兵迫近草寇竊發人情危疑知縣吳灼屹然不動誅鋤
 盜賊一境獲安詔吳灼差監行在都進奏院○甲辰都省言承平
 日久京師城池所當修峻詔厲文翁條畫行之○己酉詔鄂州戰
 守將帥以至士卒特賜十七界楮幣三千萬令宣司逆功給犒呂
 文德援蜀之賞未足酬功今援鄂之勳尤為顯著特賜百萬良田
 萬頃高遠棄城拒守迄退疆敵特賜五十萬為寧江軍承宣使王
 鑑陞左金吾衛上將軍孫虎臣蘇劉義黃青陳萬鄭進張勝孟之
 經徐廣溫和俞大忠康王馬汝海趙紀祥各進官十等為逆鄂圍
 練刺史環衛閣職有差陳奕阮思聰水陸戰禦獲捷非一並為防
 禦使湯孝信紀智立提兵援鄂備宣勞效各進官二等王益進一

理宗景定元年

秩○壬子詔蒲擇之削官二等沈翥送瓊州居住○甲寅都省言
 臨江軍瑞州皆以無城池為北兵破臨江守臣陳元桂端坐亭上
 誓死封疆左右散去為兵所執搥拳切齒罵聲不輟忠義之節照
 映古今瑞州守臣陳昌世以治郡有善政百姓擁之以逃詔元桂
 進官五等贈寶章閣待制與二子京官選人恩澤賜錢十萬立廟
 賜正節昌世素官廉平之譽姑奪官二等○丙辰命從臣卿監日
 一人禱雨于天竺山郎官詣霍山○出內庫楮幣一十萬御庄米
 一萬石付厲文翁修築城池○庚申雨雹○壬戌詔賜賈似道金
 器幣一千匹兩仍趣趨闕○都省言廣南哨馬透出湖南衡州上
 由潭鄂而合興壽之兵下由醴陵而犯袁吉之境向士璧會合劉
 雄飛追襲之兵調遣鄭進閻忠進彭宋傑等併力攻勦獲戰馬千
 餘疋救回老幼甚眾詔士璧為兵部侍郎雄飛進官二等保康軍
 承宣使進宋傑忠各進官賜錢絹銀有差○丙寅南康軍言北哨
 入建昌縣狗咬石透過武寧本軍都監張興宗調兵迎敵戰死詔
 贈興宗武翼郎官其一子○都省言去冬北兵侵犯湖南諸將迎
 敵之功溫和最為最李虎次之鄭進又次之詔溫和最進右武大夫帶
 行遙郡刺史李虎進官二等帶行閣門官贊鄭進帶行復州團練
 使賜銀絹有差○二月戊辰朔日有食之○庚午御筆命夏貴兼
 黃壽策應使總統諸將令協力會合夾擊以收全捷○癸酉都省
 言去年八月哨馬侵犯橫山鎮撫司調遣總管張世雄提兵將迎
 敵戰歿詔世雄等各贈官十等賜錢一萬○甲戌詔夏貴總統舟
 師自鴻宿州而上凡五奏捷進福州觀察使○都省言北兵所犯
 州縣或經從蹂踐或盤礴焚毀農民失業其鄂州壽昌軍已行蠲
 放租稅餘州縣當一體寬恤○詔全岳求德質柳象瑞州興國軍
 南康軍建昌縣隆興府奉新奉寧武寧靖安縣江州瑞昌德安縣
 臨江軍清江新喻縣潭州醴陵浏陽縣開慶元年以前二稅並指
 之○辛巳詔董宋臣改差提奉台州崇道觀安吉州居住○國子
 博士徐庚金等不待君命而出闕遣官勉諭而莫應各與在外差
 遣○丙戌詔孫虎臣和州防禦使范文虎張世傑等各進官五等
 賜銀絹有差餘將士進官二等○四月戊戌朔左丞相吳潛罷行
 諫議大夫沈炎之言也○詔多事之時揆席不可暫虛可趣似道
 赴闕權令朱熹戴慶河分日當筆有大政事其議以聞○辛丑賈

理宗景定元年

似道奏鄂圍始解江面肅清宗社危而復安實萬世無疆之休○
 壬寅趙葵以病乞結眉引退從之○癸卯御筆賈似道為吾股肱
 之臣任此旬宣之寄殷然於奮不顧身戎乘一臨士氣百倍吾
 民賴之而更生王室有同於再造予嘉偉績宜示褒綸令李士院
 降詔獎諭○乙巳詔以邊事清肅請命元祈禱官各詣致謝○丙
 午呂文德兼湖廣總領○辛亥揚州火杜庶賤官一等○癸丑以
 賈似道為少師進封衛國公其宣司職事令結為朱熹知樞密院
 事兼參知政事饒虎臣參知政事戴慶炯同知樞密院事兼權參
 知政事皮龍榮端明致孝士會書樞密院事○甲寅詔似道將至
 國門可依文彥博例郊勞於都城外賜御筵及朝見後擇日對御
 賜宴似道皆辭從之○乙卯朝獻景靈宮○丁巳以明堂大禮奏
 告天地宗廟社稷宮觀○詔以今年九月有事于明堂○己未詔
 夏貴為保康軍承宣使左右金吾衛上將軍知淮安州兼淮東安
 撫副使京東招撫使尋賜金器幣田三千畝○乙丑似道入見奏
 今天下之勢保藩離則下可保堂奧有二邊則可有內地惟陛下
 念之○五月戊辰朔詔似道奏乞以財賦獄訟委之執政分任亦

合典故可令朱熹專任財賦皮龍榮專任獄訟似道總提其綱○
 以趙葵為兩淮宣撫大使判揚州進封魯國公○辛未詔饒虎臣
 為資政殿學士提舉洞霄宮○癸酉御筆今之天下靡弊極矣所
 可以轉移變化者獨有用人一說耳舊來當國者用人多徇私意
 貽害可勝言哉今丞相虛心無我詢之同列以用人此乃轉亂為
 治轉危為安一大機括也機括若差利害匪輕今當立為一準的
 之說須專求實用勿泛取虛名外之為監司郡守者當用廉潔凡
 稍涉貪汙而謀利者汰之內之為朝士者當忠謹朴實凡稍涉諱
 競而沽名者汰之若用捨之意嚮明白貪汙者可化為廉潔諱競
 者可化為忠朴夫苟用人一差待其貽毒於民貽害於國而後去
 之亦已晚矣似道奏敢不備遵著旨仍乞宣付史館○甲戌都省
 言江副司諮議官呂文信統兵在柵林夾白鹿磯呂輔周並以
 戰歿詔贈文信寧遠軍承宣使輔周和州防禦使優與恩澤立廟
 賜額○乙亥詔李虎馭軍無律害民特其合正典刑以曾立功湖
 南復命追毀鸞管柵林州行諫議大夫沈炎之言也○丁丑賜似
 道玉帶○己卯以戴慶炯薨輟視朝○辛巳上曰近日士大夫奔

御示景定元年

荒之風可畏須擇一二括退之士奏聞庶可以勵其餘似道奏已
得二三人俟擬進尋詔趙景緯歐陽守道陳大中有靜退之節以
景緯為祕書郎守道史館檢閱大中主管禮兵部架閣文字○壬
午發賊犯斗○癸未都省言江防至重貴在嚴密自通州海口以
至歸峽當分管地分庶責有所歸詔令都統司分地任責仍命制
帥司照所隸節制○以皮龍榮兼權參知政事沈炎為端明殿學
士同僉書樞密院事○戊子似道言去秋猶夏之變匪由天降生
自貪吏臣願明詔中外自今守臣當覈察諸縣監司當覈察守倅
其有贖犯必劾無貸如州縣官為監司所劾則坐郡守守倅為臺
諫所劾則坐監司○已丑上諭似道卿昨日所陳正律貪之良法
連坐之罰此風必戢似道奏臣之所奏祖宗已行之法也○庚寅
都省言獎廉戢貪今日急務陳增情節高鳳可厲流俗陳振孫華
髮典刑為國壽俊詔以增為龍圖閣學士賜振孫金帶○乙未上
曰秋防在近趙葵既辭不可不速擇人不若只用李庭芝詔庭芝
復主管兩淮安撫制置司知揚州趙葵充醴泉觀使○六月己亥
詔郭濬獨任殿步兩司宣勞不一自去冬警報以來效忠甚著進

宋徽宗二十六年

九

官一等帶行遙郡刺史○詔丁大全居住南康軍○壬寅御筆皇
子忠王仁孝恭順有聞於時涵養踐修尤敏於孝是用蔽自朕志
庸正儲闈持以對越在上庶幾祖宗顧歆神人闡擇良時多祉于
以降萬世不披之基可立為皇太子令有司討論典禮以聞○癸
卯上曰昨日皇太子再二辭因訓之曰元良者天下之大本也乃
若祗膺重器克荷徽章必務保其令名蘊其全德欲全其德在脩
其身欲脩其身勤於孝勉之母忍似道等奏建儲之始聖訓昭
明齊足以貽謀萬世○甲辰上諭似道卿所奏皇太子班次在宰
執之上且候典禮後行之似道奏名稱既正典禮當遵容臣具奏
○上曰淮東近別無報似道奏漣水事當候夏貴報至兵固貴於
拙速然必須新聞之來方可隨宜應接上曰然○戊申以王植薨
輟視朝○月紀斗○已酉錄行在繫囚○壬子詔陞巢縣為鎮巢
軍○甲寅詔皇太子改名令所司備禮冊命尋賜字曰長源○詔
賈似道為禮儀使朱熹撰冊文皮龍榮書冊沈炎象室○乙卯上
曰皇太子入禮儀從厚如賜宴賜齋等事皆當討論似道奏
舊典有諸王入府錫宴及皇太子會燕宮僚於資善賜教坊樂之

類今日而行之足稱盛典○丁巳皇太子辨朝謁乘金輅設儀仗從之○戊午以冊皇太子奏告天地宗廟社稷宮觀○己未詔倪壘猷羨希賞再削一官仍下監司郡守今敢不許移易策名輒行獻羨者照祖宗典故行仍著為令○辛酉皇太子辨百官移班賀詔既有典故不必引辭○乙丑御筆朕於菁莪樂育之仁豐培滋久登膳仕著休聲多此途出數年以前間有聚為朋曹墮家敗業而不能過然自弃者豈作成之道猶有缺乎批付學官以更學法來上稍示規益本為一二蹈于匪彝者設也適者涵濡德義莫不自待以厚朕甚嘉之前者更法獨進取一途尚狹未足以快飛躍之道今從其厚用著為令爾諸生益務自修副朕崇尚作成之美意敬聽無忽○七月戊辰制以皇子忠王為皇太子大赦天下○北使郝經來尋盟至維揚拘留真州不遣先是開慶己未秋九月北兵渡許黃圍鄂州賈似道視師江上陰許北朝歲幣議和亦會北有大喪北師始歸似道入相自詭有再造之功諱言前事故也鄂為城下之盟許納歲幣而北師始歸似道乃欺理宗詭曰戰勝而所許歲幣又食前言是外則負大國內則欺其君以致大

國遣使責償似道乃拘留於真州惟恐上下知之未幾而大元再遣使京湖而似道又留之漢陽之沌口始則請盟終則背盟似道知之天下知之獨朝廷不知耳

○庚午上問近日京城米價似道奏見行賑濟以平市價此去秋成糴價必減○壬午皇太子宫詹事楊棟等奏乞詔皇太子免答拜禮御筆尊敬師儒宜全謙德難允所陳○癸未御大慶殿冊皇太子群臣班賀○丁亥皇太子朝謁太廟御筆參稽舊制皇太子當俾習知政事每遇昕朝可令侍立仍令宰執並兼東宮官三省討論典故以聞○己丑上曰何夢然一疏言大全潛一凶欺君無君之罪舉盧杞李林甫以為證極當似道奏臺臣所乞合取聖意上曰褫職罷祠追官一如其請鼠地却只置之江西○以賈似道兼太子少師朱熹皮龍榮沈炎並兼賓客○辛卯詔丁大全奪官三等居住南安軍吳潛褫職罷祠奪二秩居住建昌軍○皇太子奏乞免侍立等事御筆參決侍立家法攸傳控奏力辭艱從所請○上曰來日皇太子侍立卿等奏擬須擇其有關於大體者如漢朝參決正欲習聞政事卿等宜衛翼之似道奏建儲一事自古為

理宗下皇太子元年

難在仁皇時猶待司馬光范鎮諸臣之請今陛下不俟臣庶論建
 斷自聖衷合天地祖宗之心為社稷億萬斯年之計上曰孝廉所
 以化元元移風俗也此事久廢民罔攸勸可下郡國各舉一二入
 務以實聞尋令孝士院降詔勅門下孝為百行之先廉居四維之
 一三代以上風俗淳而孝廉之名泯迨漢始詔以此孝士當時二
 千石不孝孝以不敬論不察廉則免其嚴且重如此我國家以孝
 治天下以廉察吏治科雖不常設固有不待孝而勸者比年以來
 流風汙習瀾倒莫返朕甚憫焉然念良心所蘊誰獨無此特為善
 者無所勸不善者莫知過表厲之道未至焉耳今嘉興宇內之士
 同歸于善孝廉如漢法夫孝廉一本也好貨財而不得為孝哇
 毋食則不得為廉以菽水為樂者行必不汙以冰蘖自持者親必
 不辱詔下之日凡吾帥守監司令長采公論攷實行各疏其事以
 名聞朕將尊顯之以為臣子之勸○八月丙申朔上曰哉貪之令
 屢下良以行貨之心多於畏罪論罷既科而貨不失猶足為利也
 繼自今有犯贓者須重實于憲尺監其贓務在必行毋為文具○
 丁酉以賈似道為明堂大禮使皮龍榮為儀仗使沈炎函簿使與

為橋道頓通使○辛丑詔廣安軍新明知縣鄭少清流海外侯榮
 孫教官謝少鏗羈管廣南渠州鄰山知縣楊淑廣安錄參朱望司
 法馮巽午居住廣南以宣撫司克復舊城言其結附蒲元圭獻城
 降北之罪也○丙午上曰皇太子每日聽講必得講官講說方可
 發問如有所疑須當資問太子於侍次欽承惟謹似道奏前日始
 陪講席親聆皇太子聽講之餘首問君子訥於言而敏於行以問
 聞正言行正道講官敷說樂聽不倦可謂得聞辨之要上曰兩問
 皆當○壬子以與憲夢輟視朝贈少師尋謚忠惠○是夜太白入
 房○癸丑上曰浙西監子頗為田里之擾宜早區処若徒黨能自
 捕其首者却與免罪仍厚賞之似道奏入憲帥下之所屬措置招
 捕○九月辛未詔鑄新分以景定元宝為文○癸酉上曰劉整廬
 州之捷甚偉似道奏觀其所申俘獲甚眾恐此冬間勢須平定○
 已卯朝獻景靈宮○庚辰朝饗太廟○辛巳大饗于明堂赦天下
 ○丙戌上曰明禋一晴可喜宿齋之日已有雨意隨即開霽似道
 奏此皆陛下風采精神忱固應天眷如此○是夜熒惑犯壁○丁
 亥上曰諸路刑獄尚爾淹延所當嚴行戒飭似道奏謹承聖訓○

理宗景定元年

夏貴 松壽 吳港 居潮 州內 侍向 時修 官

建陽 縣嘉 禾生

戊子李松壽犯淮安○十月乙巳御筆昨臺臣論丁大全吳潛欺君無君之罪皆有所實初匪風聞竄謫近止江西可謂寬典頗聞二佞之黨懷設伏匿布在京城聞有朝紳各私所主有咎及朕躬者是何忍於負君而不忍於負私門也如大全之流毒極禍害民蹙國此天下四海所同憤固不待論若吳潛力比大全力搖國本力請汗幸發言悖亂編志深險與自古奸叛之臣曾不必殊朕之所親受而忍抑者為之臣子豈當黨附而為是翕誠近又作歌詩有披緇之說此等情狀畢露恐亦終難涵容令臺臣覈察如有似此者劾上當重賞于罪以為同惡相濟者之戒仍榜朝堂○壬子李庭芝言夏貴等破松壽之兵於陣水城下南城舊址已盡平之尋詔夏貴進官五等賜分百萬立功將士進官有差○壬戌詔吳潛居住潮州以監察御史挂錫孫之言也○十一月乙丑御筆朕於北司惟遵祖宗之舊例給使而已未嘗有所假借亦每有戒飭聞士大夫欲由此徑心甚鄙之近何時修忽持吳珪兄弟奏牘來上且以賄進不亟去之是失刑矣詔何時修削官二等罷職送吏部永不叙叙○丙寅上曰朕平日未嘗假借內侍而何時修無忌

憚如此今已痛懲庶使天下士大夫知所嚮背似道奏聖斷赫然中外皆听真足為萬世法○詔諸路監司躬親巡歷州縣裁決獄囚奉行不虔者臺臣覈察以聞○十二月甲午朔上曰華亭御庄昨令漕司委官拘催不能戢其擾今可撥隸外庭以助軍餉似道奏陛下此意真足以貽謀萬世○乙未上曰治天下之道無他惟順人心而已我朝以仁厚立國雖強不如秦富不如隋惟知敬以事天寬以愛民儉以足用平時之所以恪守家法者在此似道奏陛下守家法結人心真可為萬世龜鑑○辛丑福建提舉李伯玉奏建陽縣嘉禾生一本十五穗繪圖來上詔皇太子始封于建允為上瑞其以建陽為嘉禾縣○上曰此番積雪盈尺臘前再白可為豐年之兆似道奏既雨復雪遠近皆然蝗蝻入地疫疠潛消此皆聖德格天之明驗○內批虎闥齒青太子事也此禮固已久廢如釋奠舍菜之事我朝俱未之廢然享師敬道又不可拘舊制可來年正月擇日令皇太子謁拜先聖○

景定二年癸亥朔御大慶殿朝賀詔曰朕於賍吏無所貸以其惟威惟虐太為吾民仇民五等赤子而仇之是與寇賊奸宄同科

景定元年

而何以爲天子之命吏古人喻貪以狼以碩鼠日以物類之惡者
 蓋不得復言人矣惟彼貪夫惜莫之懲侵牟矯虔罔知厭極朕夙
 興夜寐憂苦萬民封培本根每懼弗既郡國之吏乃淫縱其欲以
 蠹厥生間聞口呈凄然人情惻怛甚至自愧朕惟民生寡遂由於
 貪官之肆誅求貪官充斥由於監司之不按察率以外臺耳目不
 當蔽塞失察之罪茲當歲首咸與維新上曰我朝以仁厚立國聖
 聖相承惟以愛養元元培植根本爲第一義中外之吏貪黷成
 風甚失祖宗初意似道奏大哉上言發於王春之日所以布維新
 之令也○皇太子奏臣恭奉聖旨擇用正月十五日令臣謁拜先
 聖文宣王于太孝臣仰体聖心祇承嚴訓區區愚衷因而感發焉
 蓋先聖之道至我朝盛時運際文明真儒迭起而後有以續夫孟
 氏之傳然其時諸說並駕未知統一迨乾淳間文公臣朱熹與宣
 公臣張栻成公臣呂祖謙志同道合切思講磨如義利之辨如近
 思錄之書擇精語詳開牖後季誠有功於聖門中間邪說又幾晦
 蝕陛下聖德奮具龍黜詖邪表章正季然後人心一正聖道大明
 天下孝士得公淵源而溯洙泗實乃世無疆之休熹等三臣皆俱

被詔追褒特加隆惠盛典兼準御筆秩熹于從祀如栻如祖謙竊
 謂宜用升祀例以稱明詔臣愚欲望睿旨特以臣栻臣祖謙秩于
 從祀之列以益昭聖明崇儒重道之盛美詔從之○都省言知縣
 於民最親必五得改官親民季狀始以命之重其選也勢利之習
 燎原薦季之意侵失挾費用賄如取諸寄貪庸得志民不堪命欲
 空其源惟有嚴繆季之罰是遵祖宗舊制其禁戢薦季尤當加嚴
 令吏部日下遍牒遵守施行仍令御史其常切覈察○乙丑以安
 慶城成馬光祖特轉兩官仍令季士院降詔獎諭○庚辰上曰近
 聞江西湖南楮幣價虧甚疏及此可斟酌行之似道奏此事關繫
 頗重容熟議奏聞○詔下諸路提季司所部州縣時以常平分米
 賑給鰥寡孤獨之民○以雪寒出封樁庫十八界楮幣二十萬賑
 都民三衙諸軍亦如之○二月癸巳朔詔禮部貢季○已酉上曰
 諸書將備進程有日只照凡例修纂不必用已意置議論其間他
 日自有史官任刪潤之責○京湖制司言襄陽帥臣程大元調遣
 總管唐永堅牛全深入鄧光大路至葉曼圍獲捷詔永堅進官四
 等帶行閣取全進官二等其餘立功將士補轉有差○甲寅皇女

聖宗景定二年

進封周國公主○三月壬戌朔日有食之太史言雲蔽遮初不見虧乞照國朝故事班賀上曰日食于朔朕心懼焉陰雲偶蔽豈當自幸所宜益謹天戒其令百官毋賀○己巳詔禮部國子監以有出身人附銓試場應詞科照嘉熙二年例行之○戊寅似道等上孝宗皇帝光宗皇帝寧宗皇帝實錄今上皇帝玉牒日曆要會經武要略詔似道熾龍榮交各進官二等○丁亥雨○詔朱熹以觀文殿學士知建寧府提舉洞霄宮○乙丑詔寶章閣待制方來奉祠日久高年可尊特賜金帶○四月乙未以皮龍榮參知政事沈炎同知樞密院事兼權參知政事諫議大夫何夢然簽書樞密院事○丙申詔呂文德分閩年餘援蜀餉蜀忠勞尤著進太尉京湖安撫制置大使夔路策應大使知鄂州○詔董槐以觀文殿大學士提舉洞霄宮進封永國公○己酉詔諸路提點刑獄以五月按部理囚徒○詔吳潛居住循州○丙辰詔皇女周國公主年已踰笄下嫁禮也承奉郎楊鎮實慈明太后姪孫矜持好脩宜在選尚朕志久定而公主引辭甚力勉諭再三徐始稟承令二省討論典例以聞○丁巳詔楊鎮左領衛將軍駙馬都尉○己未太常禮院上周國公主下嫁典例詔主婚親迎同牢之禮並從熙寧制○庚申詔公主下嫁與芮主婚皇太子從送仍賜公主擔子其從物令所司照典禮應辦○是日建康府瑞麥五莖各兩岐○五月壬戌朔詔公主下嫁以楊鳳孫為賓○癸酉詔放特班改官人免引見○己卯上曰昨觀李庭芝申逆雖突至淮安對境猶幸有備挫其鋒繼此當無日不備庶可無患似道奏謹遵聖訓益加申儆○己丑上曰雨意未已朕心惕然應有寬恤之事可更與講行○命侍從卿監日一人禱于天竺山郎官詣霍山○蠲大理寺三衙臨安府及兩浙州軍建康府贍賞分出豐儲倉米五万石賑都民再錄中外繫囚杖以下釋之○六月辛卯朔上曰連雨不已罪在朕躬惟有修省以回天意似道奏燮理陰陽三公之職臣无所逃罪○癸巳上曰昨日未時至中夜雨略止早又復作寬恤之事雖已奉行更當求所未至似道奏陛下焦勞如此雖禹湯罪已殆不其過臣等輔政垂蹙未回天意恭俟伏斥○甲午御筆霖雨為沴天戒孔昭農功苟虧民命收係力行寬恤精意禱祈靡事不為厥應猶爽痛念及此啓以弗違可自六月五日為始避正殿減常膳

徹樂庶盡修省之實以回陰陽之氣上曰連雨未止都民被水殊
可念恐兩浙皆然各郡量與輕重等第支給賑恤○乙未詔出推
貨務十八界楮幣五萬賑三衙諸軍○丁酉詔武臣功勞顯著者
賜金帶素有格法不許自陳從都省之言也○癸卯上曰楊璠孫
屢辭盟饋之禮此典禮所在豈容不講似道奏仰遵聖訓令勿更
請○乙巳上曰近畿被水安吉為甚宜早差官檢視凡救荒之政
皆當講行似道奏安吉入之歲之水不減室慶年間檢視救荒實不
可緩○丙午雨雹○戊申群臣請御正殿復常膳表三上乃從之
○上曰瀘南劉整之變宜急措置似道奏昨日已即調遣且趣呂
文德俞興等任責討之整驍將號鐵胡孫斷橋之役曹世雄功第
一整次之大將呂文德忌二人掘世雄罪逼以死整懼禍及已遂
叛歸北

劉整宋驍將也已未北師渡江止蹙蹙之議者丞相
吳潛也盡守城之力者帥臣向士璧也奏斷橋之功者曹世雄
其一而劉整次之事平後似道功賞不明殺潛殺士璧殺世雄
整守瀘州懼禍及已歸北之心始決矣

○巳酉以范文虎主管待衛步軍司○辛亥錄中外繫囚杖以下

釋之○壬子流星夕墜○七月丙寅上曰近雲川水道間有借糧

之風取當區處似道奏昨已諭帥臣警捕擇其尤者重治庶可少
戢當併守臣申嚴之○京湖制司言呂文德報發勤正張子光張

定國龐伸周仲張善張先以蒲擇之黨從任任職狀繁夥船造
橋不調援兵攻擊交通叛逆設意降北乞照祖宗舊制明正典刑

詔子光定國追毀除名同龐伸等四人並流斷蒲擇之已追毀羈
管監贓○是夜月犯斗○壬午以觀文殿李士陳韓夔輟視朝贈

少師謚忠肅○詔吳潛責授化州團練使循州安置初似道移司
黃州也疑出潛意以足頓地曰吳潛殺我遂深憾之潛竄死沒其

田產寸土不遺潛死非其罪人心不服○丁亥詔賜呂文德方圍
一字金帶上曰戚里為太尉方賜此帶今以賜親臣者待之乃異

數也似道奏陛下以殊恩旌有功不特文德感奮諸將亦知所觀
○詔有違年闕正官處許監司選辟○八月辛卯朔詔令戶部下

諸路中嚴州縣增收租米斛面之弊○癸巳以久雨出封樁庫楮
二十萬銀三衙諸軍發豐儲倉米石濟都民○甲午上曰蜀事可

慮朕甚為之不安似道奏俞興攻取瀘城壞於重得致軫聖慮臣

累疏自請一行捐軀不辭或可上寬憂顧上曰丞相所請備見忠
忱但廊廟事體至重豈宜輕動又奏若文德入蜀則荆湖與江面
關繫尤重臣不容不住上又曰此未可輕○丁酉詔奪向士璧從
官因數令臨安府追究侵盜掩匿情節以待御史孫附鳳之言也
士璧守潭有全城功似道以其行事不閑白宣司也怒揭其罪黨
死漳州○壬申詔賜皇女周國公主第于安濟橋○乙巳詔江萬
里為端明殿學士同僉書樞密院事兼太子賓客○丁未詔浙石
水滂民不聊生令朝臣分往各郡同守臣商確出粟勸分蠲租賦
招強壯為軍凡救荒之政可速奉行俾毋遺闕○九月辛酉上曰
湖秀三郡被水最甚聞守令不以荒政為念上戶吝於勸分宜立
賞罰以示信必似道奏此事監司守令不得辭其責即當宣布聖
訓更加戒飭○丙寅以范文虎主管殿前司劉達主管侍衛步軍
司○癸酉詔增潭州解額二名以終場及萬餘人故也○庚辰詔
客販廣米至都城近境者照市價出糴官司毋得拘勒尋立賞格
招誘○壬午詔出封樁庫楮幣一百萬銀三萬兩付四川宣撫司
○丙戌上曰廣米平雖已招誘客販更令本路監司選官糴運以
應都民之乏以道奏謹遵聖訓○十月庚寅朔上曰迺年和糴止
及民戶今歲水潦若此凡御前庄米亦照民間所科之數輸之有
司以示上下一體之意似道奏陛下指內庄米以應和糴前所未
有觀聽之下孰不感動士大夫於此尚不知體國可乎○戊戌雷
○庚子詔積滂為災省躬惕若哀求民命夙夜靡違迺復雷發非
時更示謹告天怒未息愈不敢安應軍民及刑獄有合寬卹等事
可疾速討論以聞庶盡應天以實之意○似道疏乞解機政詔不
許○錄中外繫囚○詔物價未平出封樁庫楮幣二十萬賑三橋
諸軍出豐儲倉米五萬石賑都民○甲辰詔朕思己未之秋北兵
渡江其勢飄忽震蕩如風雨之至一時將士忽死於轉戰人民或
斃於流離其間嬰城自守之臣猶不免干戈鋒鏑之慘致使冤聲
滿野積骸如山重念生民何辜而罹此酷禍也當是時賴股肱之
臣任旬宣之寄身先士卒冒萬死一生而不顧卒能指授將帥一
卒而殄殲之乾坤載寧江山復舊是吾國生民無身而有身此三
百年所未有之禍亦三百年所未有之功也朕因修設醮席薦拔
沉淪慨念元勳示茲獎諭亦欲來者之勸也○丙午以何夔然同

理宗景定二年

知樞密院事兼參知政事○壬子詔程元鳳為特進依前觀文殿
 大學士充醴泉觀使兼侍讀○癸丑詔皇太子年以踰冠禮宜擇
 配慈憲夫人族昭孫之女生於名門綽有淑德其令擇日入內參
 見○乙卯上曰太子可謂天作之合又顧太子曰夫婦人倫之始
 正始之道當以修身為先其身止不令而行其身不正雖令不從
 太子必能體認斯意似道奏皇太子問孝日新況聖訓之嚴如此
 自能祗承惟謹最是全氏侍乃父昭孫往復江湖備嘗險艱其處
 富貴必盡儉戒相成之道臣等深為國家大慶○賜知渠州胡克
 忠金帶以旌戢守之功○丙辰沈炎罷以資政殿學士提率洞霄
 宮○戊午賜汝騰謚曰忠清尋詔贈四官仍賜銀絹田宅○十一
 月甲戌安南國遣使奉貢獻象三○戊寅周國公主下嫁禮成群
 臣班賀○乙卯日南至御大慶殿群臣朝賀○詔揚鎮宜州觀察
 使駙馬都尉賜玉帶詔揚鎮父蕃孫進官二等戚屬增秩進封有
 差○癸未詔全氏特封永嘉郡夫人○十一月己丑朔詔瑞雪應
 時出封樞庫十八界楮幣二十萬賑都民三衙諸軍亦如之○辛
 卯江萬里罷尋以端明殿學士提率洞霄宮○甲午皮龍榮兼推
 知樞密院事何夢然參知政事馬光祖同知樞密院事兼太子賓
 客知臨安府○乙亥月犯五車○詔永嘉郡夫人全氏可立為皇
 太子妃令學士院降制○丁巳詔朕惟我朝褒表功德具有彝典
 如趙普有翊戴之元勳則賜第宅於建隆文彥博有弼亮之偉績
 則賜家廟於至和今丞相賈似道身佩安危再造王室其元勳偉
 績不在趙普彥博下宜賜第宅家廟令有司條具以聞

壬戌 景定三年正月戊午朔御大慶殿群臣朝賀○詔陽春肇始
 宜布寬條如丁大全吳潛誤國之罪固不可貸其與為死黨者當
 與同科若一時皆榮進而爭附麗者寧無輕重可斟酌所犯遠者
 量移近者放還並不錄用○詔皇女周國公主進封周漢國公主
 ○庚申給事中徐經孫繳章鑑王景齊祠命詔從官予祠而不除
 職是祿之而已姑與放行決不錄用○詔周尊黃者忠厚所基漢
 事三老祿養無闕陳壇林彬之史季溫夙被擢用今皆昔年奉祠
 歲久宜示獎崇陳壇授端明殿學士彬之室護閣待制史季溫直
 華文閣各因其祠○戊辰馬光祖奏今歲監補在即江湖閩廣所
 至羅價未平乞照嘉熙二年例權令各路漕司收試從之○庚午

庚午

武勝 公剛

呂文 德復 州 封 李 增 郡 王

賈似道妻蔡氏賜第宅家廟詔從所請仍以舊居之鄰集芳園為
 賜給緡錢就建家廟○甲戌呂文德言北兵犯梁山推軍李鑑出
 戰屢捷詔鑑帶行閣門宣贊舍人知軍事立功將上義兵補轉有
 差○戊寅詔三宰免解外行食生員兩赤縣解試終場人及臨安
 府宰職事特令赴省一次以建儲恩優異之也○以父雨山封樁
 庫十八界楮幣二十萬賑都民三衙諸軍亦如之○都省言逆整
 以濫叛宣制兩閩奉行天討已遂收復詔獎諭尋改濬州為江安
 軍○辛巳以禮部尚書兼直學士院楊棟知貢舉兵部尚書太子
 詹事葉夢鼎同知右諫議大夫孫附鳳同知兼監試○二月丁亥
 朔李松壽納款上曰逆雛一再納款情偽難憑不可苟目前之小
 安貽他日之大患切須審覈似道奏當與之要約如能歸連海之
 地始足取信○都省言臨安安吉嘉興屬縣水滂溺死頗眾詔各
 郡守臣給錢埋瘞○丁酉詔朕試天下士于春官凡十有三詔矣
 名公鉅卿胥此塗出朕又表章儒先崇尚理學以薰陶涵養培植
 之父莫非夙夜強學以待問懷忠信以待舉力行以待取者比既
 謹簡名流執斯文之柄亦號極一時之選如世之所病勅句斷章

宋史卷三二六

十一

以命題牽合破碎以害理與夫言理不切平事論事不根於理皆
 必無之然不患有司之不明但患有司之不公明白公出苟至於
 公則有真才實學當如燭照數計毫髮莫能遁言刈其楚庸王子
 成斯為不負朕作人之意審爾則命陸贄而得韓愈命歐陽脩而
 得鞏軾則予一人汝嘉賜楊棟已下○戊戌都省言連水三城已
 遂收復制閩之功委為顯著詔獎之仍降德音改名安東州○庚
 子詔吏部侍郎劉垵累麻繁使備著循良晚入從班多所裨益今
 乞引年致任特除寶章閣待制依所乞予祠仍賜金帶○壬寅詔
 呂文德于宣蜀道尅復濬城可授開府儀同三司○是日皇姪乃
 裕特授檢校少保○以皮龍榮為資政殿大學士知潭州湖南安
 撫使○乙巳月入氏○戊申詔省試中選士人覆試于御史臺為
 定制○己酉上曰連海二城收復於旬日間亦見李璫納款之真
 可擬封爵來上○庚戌詔李璫效順本朝請贖父過既歸連海之
 境土復獻山東之版圖可特授保信寧武軍節度使督規京東河
 北等路軍馬齊郡王仍賜金鍍銀印二金帶朝服繡鞍馬以金帶
 牙笏各十五付李璫分賜將帥○三月乙丑以孫附鳳為端明殿

理宗景定三年

李士愈書樞密院事兼太子賓客○辛未詔陞海州東海縣為東
海軍○甲戌都省言徐霖自改官後實歷十餘年不曾陳乞磨勘
轉官乞已致仕合行旌異詔官其一子○四月戊戌李潛尋復備
州詔獎諭○已亥嚴州言麥生兩穗○庚子熒惑歲星合于危○
甲辰有流星大如杯○庚戌以久雨錄行在繫囚○五月丙辰朔
戊午以刑部侍郎兼給事中徐經孫工部侍郎兼司業常擬太常
少卿兼太子侍講吳堅為殿試詳定官○已未御集英殿策進士
○辛酉御射殿閱武卒進士射○丙寅蠲臨安府稅三月平物價
也○丁卯都省言諸路州縣稅租見錢用時價折納會子以重楮
也州縣間有故行違戾者詔諸路提刑躬視所部違者劾之○戊
辰上曰謝變化折納苗米價太重已戒飭之仍貸義倉充軍費以
免科糶庶可少寬民力似道奏聖恩及此軍民兩受賜矣○已巳
都省言廣西諸郡措置屯田已有小效若邕欽宜融柳象潯州能
一體講行亦可省糴運詔守臣任責措置經略安撫提領課以殿
最仍條具來上○庚午都省言廣西經略安撫司申安南國進貢
賀昇平禮物詔戶部依例給賜○辛未同知樞密院事兼知臨安

府馬光祖除職知福州○壬申上曰馬光祖再尹神臯殊無善狀
朝綱所係豈宜動肆輕紊似道奏宅揆非才望輕招侮法宜引去
陛下曲賜全宥臣惟有恐懼上曰卿之所爭為公光祖之所爭乃
為私○諫臣陳堯道奏貪吏為蠹者八事而勢家譁徒黠胥尤甚
詔戶部下諸路監司禁戢○甲戌詔周公作詩不避昌發孔子不
偏僻二名朕舊名一字乃理季至要五常百行非誠非也無之可
乎先朝如益字實字見之群臣表章此尤可證自今其勿復避○
丁丑御集英殿賜禮部奏名進士方山京等勅凡六百三十有七
人○已卯賜特奏名進士勅凡七百四十有三人○六月庚寅以
經筵進讀唐鑑終篇賜宴秘書省講讀官各進秩○詔孫附鳳兼
權參知政事楊棟端明殿李士同僉書樞密院事○壬辰以吳潛
歿于循州許令歸葬○乙未月入氏○已亥董槐乞休致詔除特
進○辛丑上曰一雨甚濟旱禾得此結實似道奏今日之雨甚慰
民望昨日臨安屬邑獻新禾更旬日可食新公私之幸也○乙巳
御射殿閱正奏名進士射○丙午閱少進奏名進士射詔秘書省
曝書會權免詔吏部刑部申嚴叙理等事一遵舊制仍令臺諫監

司守臣自今指實劾奏庶幾罰稱其罪○戊申都省言徽宗皇帝長編一時抄錄尚未成編詔令史館專官修潤○庚戌安南國王陳日照遣使入貢表乞出龍詔日照特授檢校太師安南國王加食邑男威冕特授靜海軍節度觀察處置使檢校太尉兼御史大夫上柱國安南國王効忠順化功臣仍賜金帶器幣鞍馬○癸丑詔謫降臣僚終於貶所者許歸葬○七月丙辰都省言州縣官最為近民欲其不為民害當先革貪欲革其貪當先養廉令諸州縣官廩給往往拖壓是驅之使貪也監司守令但知豐已皇恤他人適者貪賊之罰既嚴於屬吏則養廉之俸合責於長官詔令御史臺覺察其有違戾許屬部官於離任日訴于臺省計贓論罪○壬戌以董槐薨輟視朝贈少師謚文清○庚午以皇女周漢國公主薨輟視朝五日賜謚端孝太史奏用七月癸未車駕臨奠駙馬都尉楊鎮奉饌凡五乃從之○乙亥廣西經略朱禔孫申增築西城內包孝舍添置書院乞照白鹿洞例錫名仍置山長一員詔以宣城書院為額○戊寅詔文武臣陳乞叙復令吏刑部具元犯上于尚書省斟酌施行○辛巳詔勅令所重修吏部七司條法○癸未詔戶部申嚴諸路州縣許取苗米之禁○甲申有白氣如疋練亘天○戊戌李壇死○己亥詔賜公主田以秀豐庄二萬九千有奇充影堂祭祀餘悉撥隸淮東總所以助軍餉○壬子以皇太子宮滿歲宮師以下各進一秩○九月辛酉上曰朱熹言吳門近似秋暑勿蝗蝻孽生未幾得雨皆殞遂不為害似道奏蝗不為災皆聖德所感○乙丑詔諸路州郡增差教官當令經賦各一員○戊辰以沈炎薨輟視朝贈少保○丁丑都省言温州布衣李元老讀書安負不事科舉齒踰百歲乞照令甲特賜撫存詔補迪功郎致仕○壬午賜李壇謚顯忠贈檢校太師從兩淮制臣李庭芝請也○閏九月丙午都省言乞遵嘉定舊制應知縣罪罷雖經赦不許注緊望之關仍著為令從之○戊申詔紹興府昨因延燎倉倉司給貸居民錢今經兩年民貧尚憫可悉蠲之○辛亥夜皇太子妃全氏降生皇孫○十月乙卯詔蠲四川制總州縣醴醕權利三年以都省言循明裡前例也○丙辰詔蠲諸路州縣折納苗弊不許陽減陰取違坐紹興條例○庚申松江制臣汪立信表進蘄城新城圖詔獎諭○甲子以楊棟為端明殿學士會書樞密院事兼

理宗皇帝三年

權參知政事兼太子賓客葉夢鼎為端明殿學士同僉書樞密院
 事兼太子賓客○甲戌廣西經略朱禔孫奏知歸化州岑從毅納
 土輸賦獻丁壯為丁臣詔歸化為來安州岑從毅進官修武知州
 事許世襲○丙子詔交豐六縣陞為軍令江制司選辟軍使一
 次以其縣里迢遙邊鄙險要也○十一月壬辰詔奪丁大全貴州
 團練副使徙新州以其招集游手私立將校置弓矢舟楫謀不法
 也丞相賈似道諷廣西經略朱禔孫殺之禔孫遣將官畢迂護送
 擠之水○丙申以徐清叟薨輟視朝尋贈少師○戊戌以夏貴知
 瀘州兼淮西安撫副使○辛丑詔衛雪未應出封樁庫十八界楮
 幣二十五萬賑都民○癸卯詔免正旦大朝會○十二月乙卯詔
 臨安府屬縣三衙決係囚杖以下釋之○庚申詔瑞雪應時出封
 樁庫十八界楮幣四十萬賑都民三衙諸軍○戊辰詔雪寒再給
 諸軍新炭錢

景定四年正月壬午朔御大慶殿群臣朝賀詔令侍從臺諫
 給舍卿監郎官以上及制總監司各奉所知不拘負限以待量才
 擢用後不如所奉則連坐之制宜在必行○戊子詔蒲陽布衣林

亦之陳藻特贈初品官林公遇贈一官以司農少卿林希逸言三
 人經明行修欲表勵後季故有是命○都省言四川駐戍諸軍守
 禦良勞合議優卹詔令制副給賜衣裝布疋有差○丙午上諭輔
 臣曰陳堯道言詞訴改送之幣民受其害合與痛革當自戶刑部
 始似道奏謹遵聖訓○二月壬子朔詔吳潛丁大全懷姙設國既
 速天誅朋附實繁遷謫亦久宜示寬恩令尚書省日下具兩黨人
 斟酌輕重○丙辰刑部言吳潛丁大全兩黨人內已量移程沐胡
 用存程桐石正則吳泳汪洵之並自便永不叙用倪量量移信州
 張榮饒州章公權撫州任伯鳳建寧府葉隆禮徽州何子季押歸
 本貫以街撫州翁應弼臨江軍趙時詒撫州劉錫瑞州王立愛信
 州程若川建昌軍袁玠沈翥方大猷徐敏子難以量移尋臺臣及
 給舍疏乞收回吳衍翁應弼趙時詒葉隆禮何子季劉錫王立愛
 石正則量移之命遇赦永不放還內時詒子季衍應弼立愛正則
 各更奪一秩錫已遷毀出身仍各於見謫州軍居住並從之○丁
 巳殿中侍御史陳堯道右正言曹孝慶監察御史虞慶張晞顏言
 井田古也而未易行於後世限田近古也猶足以救今日之急蓋

陳業
道等
言限
田事

獲官
獲廉
乞留
費相

兼并之患至今及矣柰何時異事殊法出弊生夫三邊列屯非食
不飽諸路和糴非楮不行既未免於廩兵則和糴所宜廣圖既不
免於和糴則楮幣未容縮造為今日計欲便國使民而辦軍食重
楮價者莫若行祖宗限田之制以官品計頃以品格計數下兩浙
江東西和糴去處先行歸併訖折後將官戶田產踰限之數抽三
分之一回買以充公田但得一千萬畝之田則每可收六七百萬
米於軍餉有餘矣詔從之尋置官田所以劉良貴為提領陳崇兼
檢閱先是似道建議國計困於造楮富民困於和糴請官買公田
免和糴住造楮於是始行公田法覈民腴田量戶多寡以賤直取
之農民為官耕者曰官佃上戶為官督者曰庄官浙右之人破家
失業者甚衆○戊午詔祖宗之制察官邪之外點檢所隸簿書有
司稽遲者赴臺理訴未嘗許信偏詞予奪刑名也茲覽臨安府所
勘臺更案款違法背理不一而足至於刑人殺人之事亦復干預
察官失所知聞尚且不可推吏是聽至作訪聞押帖使善民受害
乎苟不示懲何以戒後臺官虞慮張希顏並與在外差遣○癸亥
降詔申飭臺臣○辛未詔會子庫日增印一十五萬貫赴封樁庫

充買官田○乙亥都省言呂文德浚築鄂岳常德澧州城地訖事
詔獎之守臣韓官特轉遙郡承宣使蘇劉義吉州刺史以效勞故
也○丙子上諭輔臣曰諸史宜差從官提綱照舊例於明裡前登
進尋差徐經孫○三月辛巳朔詔官買踰限之田蓋欲求免和糴
倉卒取具姦弊滋多可嚴立賞罰討究歸併庶幾步畝無私易於
摘買○丁亥以呂文德為寧武保康軍節度使開府儀同三司○
詔買踰限田以免和糴之害自是良法美意要當始於浙西庶他
路視以為則但所在利病不同亦難拘以一律令三省參酌施行
○賈似道巧祠詔不許參知政事何夔然等奏切見右丞相意在
娛親抗章馬去臣等固知陛下決不容似道之去臣等私憂過計
謂丞相非惟不可去亦不可言去國勢方定事會方殷丞相之不
可去上下通知但丞相去小人便動彈冠之興欲乞陛下力賜
勉留曲加勉諭俾丞相母更入疏庶安人心而弭外邪從之○已
未權吏部尚書陳昉等奏乞勉留丞相賈似道詔從之○庚寅侍
御史陳堯咨○右正言曹孝慶奏江公望居言路曰有云君臣一体
人君元首也左右大臣股肱也諫官御史耳目也股肱不留元首

高宗皇帝定四年

何賴耳目之官豈吝自默乞陛下申諭勉留天下幸甚詔從之○
 右丞相賈似道奏條陳田制凡九乞下臣此章俾議其可必卿士
 庶民之皆從是之謂大同亦安得獨異哉○甲辰上諭輔臣曰陳
 堯道言鈺銷偽造當嚴加禁戢似道奏不禁鈺銷則見錘愈少不
 禁偽造則楮幣愈多臣等仰遵聖訓○丁未詔寧國府守臣趙汝
 謀推行經界職事修卒陞直華文閣因其任○四月丙辰詔今年
 九月有事于明堂○甲子詔呂文德分闡上游寬朕西顧疆場之
 事知無不為帑府所積久而愈厚令其子師夔稟陳欲備公上取
 用朕但聞闔外仰費於朝廷未聞朝廷取費於闔外所請既切難
 違其意可於內截撥二百万充今年制總糴本○乙丑皇太子言
 恭聞經筵春秋徹講在迓乞令陪侍觀禮從之○丁卯以明堂奏
 告于天地宗廟社稷宮觀○丙子都省言回買六郡公田視畝租
 之多寡為支價之低昂乞以官誥度牒銀會四色參酌支給詔令
 封樁庫支撥付各郡守臣等第給還○五月辛丑都省言婺州布
 衣何基建寧府布衣徐幾皆得先儒理孝之傳年高德邵隱居立
 園詔基幾各補迪功郎基特添差婺州教授兼麗澤書院山長幾
 建寧府教授兼建安書院山長○壬寅以經筵進講春秋終篇賜
 宰臣經筵官宴于祕書省○六月庚午賈似道等上徽宗皇帝長
 編寧宗皇帝實錄日曆會要經武要略○乙亥似道辭免進書恩
 凡四奏詔回贈五世祖進士昱為太師祖妣季氏廣國夫人繼妣
 徐氏延國夫人夢然等以辭詔各進二秩餘令回授○七月甲申
 詔吏部具諸路見闕知縣不拘常格限十日許人指射限滿無人
 注者令監司郡守列銜奏辟一次○乙酉詔祕書省自淳熙至嘉
 定國朝會要皇朝長編刊梓頒行○壬辰勅令所進呈寧宗皇帝
 今上皇帝寬恤詔令詔提舉官賈似道等各進二秩○甲辰皇太
 子奏乞以新除起居郎留夢炎前江東提刑召赴闕范東叟充講
 官○是日上謂輔臣曰皇太子以講官闕真欲以夢炎東叟充選
 夢炎舊在資善東叟亦有時望所奏甚當似道等奏二人皆時望
 此幸於儲德愈有光臣等不勝贊慶尋以夢炎兼諭德東叟兼舍
 人○八月戊申朔詔戶部申嚴諸路州縣苛取苗米之禁○以賈
 似道為明堂大禮使何夢然禮儀使楊棟儀仗使葉夢鼎因簿使
 與芮橋道頓遞使○辛酉詔皇太子宫滿歲宮賓講官各進一秩

理宗景定四年

使臣以下減年給稿有差○庚子都省言中外支用粗足已行減
 造會子今置公田免糶本又合減造詔每日更減五萬○壬申都
 省言明禮恩霈例蠲前三年逋賦而州縣往往有已催在官吏幹
 隱匿在已者其實百姓不露毫髮之惠漢史有除明年田租之令
 最為得宜今倣而行之庶幾實惠及民乞下諸路州縣蠲前三年
 逋賦外更預將景定五年畸零稅色與免半輸載為赦條仍令各
 路漕司榜諭從之○甲戌詔省罷平江府發運司○九月庚寅勅
 饗太廟○辛卯大饗于明堂赦天下○甲午以何夔然知樞密院
 事兼叅知政事楊棟同知樞密院事權叅知政事葉夢鼎僉書樞
 密院事○乙未都省言諸路州縣獄訟率多枝蔓淹延今遇明裡
 肆赦有司所當奉行踈決以稱寬典詔令各路憲臣決所部繫囚
 具已結絕名件上尚書省○詔呂文德乞以大禮所得京官恩澤
 改奏次子夔已從其請朕思文德忠勤豈在中興功臣之下師夔
 已除知閣且夔典邊郡但換京官亦非朕所以待忠臣之意今特
 與換朝奉大夫尋為度支郎官○丙申昌化縣以嘉禾嘉粟進時
 明裡慶成上謂休瑞應期一德感通之驗詠詩賜丞相○詔賈德

生去歲不能防閑所使丞相忠於體國不私其子必欲示懲朕嘉
 其嚴訓姑從前秩天下皆明知大公之意今已及暮可特叙復元
 官予祠○十月己酉詔安吉嘉興平江常州江陰鎮江公田諸庄
 輸納什優其一以都省言納稼之始宜寬恤故也○壬子車駕詣
 太乙宮赴座官賜醴簪花○己未詔出封樁庫十八界會一百四
 十萬下六郡置公田庄屋○乙丑詔刑部應內外文武官因風聞
 致罪者許申理于朝參酌改正犯贓私者令監司覈實來上○癸
 酉都省言會子庫造三色零百錢闕二千萬便民旅交易從之
 ○乙亥詔李獻可等精加校正徽宗皇帝長編刊梓于祕書省○
 十一月戊寅朔詔度支郎官呂師夔往松江閱視屯兵營屋招募
 新軍仍督未備者具奏來上○庚辰詔群臣遵依舊制五日一輪
 對如遇恙則痊日補對不許推托求免○壬午軍器監丞方演孫
 進對論群臣緘默之弊上曰朕未嘗諱言演孫奏天下莫不知陛
 下之能聽言特臣下不敢言爾如啓悟發於衷衷施行見於明詔
 天下翕然孰不服陛下之聖○丙子詔兩浙運司臨安府屬縣決
 繫囚杖以下釋之○臺臣朱繼孫言郡邑王李添教間有分爭

理宗景定四年

失指遜之風乞下諸路提卒司分隸職事立為定式庶可養靖共之習從之○十二月丁未朔詔正旦大朝會權免○詔應官司見監公私逋欠並倚閣一月繫人釋之以雪講行寬恤也○戊申詔船務出售推貨以收幣楮仍禁乞取○己酉詔皇太子宮詹事以下講讀外日輪一負入西出以備咨問以稱輔導之實○辛亥詔兩浙監司將所部州軍縣繫囚杖以下釋之○甲寅蠲兩浙州軍及建康府見監贓賞茶鹽錢○丙辰詔諸路憲司索上所部州軍大辟獄案詳情論決毋使滯淹其干連者酌量釋之○丁巳登聞檢院朱潛進對論修身之要上曰修身在端本為上潛奏忱如聖論心者身之本身者天下万事方物之本先臣朱熹之說正如此上然之○己未詔刑部下諸路憲司所部州縣刑獄不許慘酷笞楚及毀除非法獄具違者重寘于罰○辛酉詔管景榷主管侍衛步軍司○丙寅詔無為軍巢縣已陞為鎮巢軍使從江制司節制其月收坊場河渡錢分項起解支遣以制司申言也○己巳諫臣陳堯道乞下福建倉司將景德元年至二年八郡義倉米斗以十七界會兩貢賑糶負民從之○庚午詔瑞雪應期出封橋庫十八界楮幣四十萬賑在京軍民詔臨安府兩浙運司三衙吏繫囚杖以下釋之○都省言知海州張漢英在任浚築堤壩城壁竣事其子宗仁奉圖來上具見勞績詔張宗仁特與帶行閣門祇候添差京東路將餘在役者令兩淮制司類申樞密院○辛未太白歲星順行○癸酉詔再給諸軍諸司薪炭錢○丙子臨安府帥臣吳革奏獄空詔獎之

景定五年正月丁丑朔御大慶殿群臣朝賀詔朕粵稽盛帝王明王制治保邦曷嘗不以人材為先務蓋雖堯舜之法度文武之方策苟非得人是迪是懋則亦徒法而已故必賴濟濟之賢諷諷之士布列中外道德一而風俗同然後可望其率行不悖相維於長久也我國家因唐之舊進士一科得人為盛二百年間所以保乂王家垂休億載者厥功茂哉弊又蠢茲近年尤甚非無佳士穎出由此其選然窮經孝古者或病於詞華植德礪行者難究其蘊奧高才大器者往往局於纖悉繩墨之末是以官甚冗而才愈乏家殊俗而風益漓至於冒國法以苟營假儒冠而挾冊俚言辭雅勸說趨時使習之者及賊其良而取之者莫任其咎人情至此咸

出珍
易取
幣指
節制
帥司
不許
差違
謂之

權察
景議
功

欲變通蓋嘗披閱先朝名臣奏議其論取士之法非一推程顥
兄弟深知治道酌古通今綱條詳明用意純切今三省詳議參酌
其可行者脩具以聞務於科舉令甲無大更張以安安士心而於
進士率之外所以崇尚經術考察德行選用材能之道立為一代
之典陶成四方之風庶幾豐已之仁垂之萬世顧不美歟○癸未
給事中常挺言乞遵祖宗典故應文武臣寮封章並許於通進司
投進以達群下之情毋使伏闕投匭與庶民寺詔從之○出奉宸
庫香珠犀象等珍貨付務場賣易助收弊楮○辛丑詔松江兩浙
制帥監司不許差軍功借補挾術遊謁等人權攝害民如州郡闕
員則差曹職官屬縣闕員則差丞簿尉時暫兼權仍催正官之任
或有違戾令臺臣覈察以聞○二月丙午朔詔昨者諫疏戒飭百
司盡公守法指緘封事目最為病源深中累年積習之弊迹日劾
及都司具有實狀所當申嚴禁戢俾各自愛毋陷非彝以速厥辜
○丁未詔禮部貢舉○辛亥檢正陳昉言陛下欲賞信罰必莫若
嚴考課之法乞明詔有司下之諸道帥臣監司歲考郡守歲考縣
課第其能否優劣功過於次年三月類聚保奏監司則有互申之

法宜悉遵彝典詔從之○是日雪○丙辰韓禾洪天錫並兼侍講
趙景緯兼崇政殿說書○丁卯詔諸路申嚴州縣斛面之禁豁除
義倉陳腐米數椿積邊郡二年軍餉行臺臣之言也○是夜月犯
斗○辛未雨土○詔梁椿選右正言程元岳朱應元並監察御史
○四月丙午詔管景謨妻立戰功為時名將妻孥陷歿效忠愈堅
聞平時所得俸賜率以撫卹將士遂至窮空此尤可嘉特賜十七
界會二十萬以示旌勸仍賜金帶許令服繫○辛亥詔禮部下諸
路州縣講行鄉飲酒儀以復古意仍以已行儀式上于尚書省○
癸丑詔諸道提點刑獄以五月按部理囚徒○乙丑詔知樞密院
事兼參知政事何夔然罷觀文殿學士公海制置使馬天驥罷行
臺臣之言也○已巳以李曾伯知慶元府公海制置使江萬里為
資政殿學士知建寧府○庚午太白歲星合于婁○詔徐宗仁兼
宗政殿說書○五月丙子詔朱應元除右正言兼侍講饒應龍除
監察御史○已卯詔何夔然為資政殿學士知建寧府○辛卯
以楊棟參知政事葉夢鼎同知樞密院事兼權參知政事姚希得
為端明殿學士同簽書樞密院事兼太子賓客○乙未詔安南

宗景定五年

表貢方物其所進象及華靡之物令有司却還仍優賜答之○戊
成都首言公田所諸庄砧基已成若復以州縣總之恐害不除而
利不可久宜選差廉能官分司管幹詔平江嘉興安吉各一員常
州江陰鎮江共一員未作縣人充幹辦公事已作縣人充主管文
字繫衙仍令條具合行事宜來上○己亥太白晝見經天○癸卯
詔李士院每日李士與講官照舊例詣院宿直并申嚴六曹郎官
入局部宿之制○六月甲辰朔詔衢州守臣謝既奪官二等褫右
文殿修撰永不收叙以其寇至不禦委城而去故有是命○臺臣
朱繼孫等又言詹沔之變皆由謝既苛征激之乞行鑄斥中書舍
人留夢炎又言謝既罪大罰輕乞更與勒停並從之○丙辰詔王
鑰洪天錫控辭甚力令各州守臣以禮勉諭勉其赴闕○詔容州
守臣戴應復奪官五等勒停羈管惠州以其苛取致激妖民聚眾
劫掠尋令經略司追勘具情節○癸亥都省言申嚴祖宗戒飭職
吏之制詔百姓為贓吏患苦至此已極朕甚痛之指揮務在必行
勿復文具○七月甲戌刑部大理寺言朝奉大夫監行在推貨務
都茶場分推真州周福孫於鹽鈔茶引正官錢外初增事例錢四
十二萬七千有奇入已係監主詐欺從自盜法贓罪抵死詔特貸
命追毀勒停免真決不刺面流二千里追贓○是夜彗星出柳長
竟天○乙亥皇太子妃全氏降生皇孫○丁丑詔朕以寡昧統臨
兆民居多歷年祇畏天戒如一日常恐不德謫見于上乃七月甲
戌彗出柳宿謹告孔昭目所共睹鑒臨有赫咎在朕躬豈朝多闕
政未當人意吏不宣化莫安民生獄訟弗清而多冤貪酷未除而
貽害遂至垂矣上干天和朕將避殿減膳應中外臣寮並許直言
其合施行等事有司條具以聞○詔出封樁庫十八界會二十萬
賑都民二衙諸軍亦如之內司宿衛應奉人併特給糒一次以示
優卹○戊寅詔江万里知福州福建安撫○以降生皇孫奏告天
地宗廟社稷諸陵○己卯彗星退于鬼○辛巳彗星退于井○甲
申行都大火○丁亥賈似道廢疏乞罷政許不許○癸巳少保保
寧軍節度使萬壽觀使祁國公謝奕昌乞休致詔特除少師進封
魏國公○甲午以謝奕昌薨輟視朝尋贈太保追封臨海郡王賜
謚莊憲○是夜填星守畢○詔馬天驥褫觀文殿李士罷祠其子
馬時林奪一秩罷新任行臺臣之言也○乙未詔參知政事楊棟

罷行臺臣之言也尋除職部○丙申詔令侍從兩省於內外官
宰堪充監司郡守者疏其實以聞令中書籍記遇有闕官精加審
察取旨擢用如犯贓私當正謬宰之罰○丁酉命從臣卿監日一
負禱雨于天竺山郎官詣霍山○戊戌蠲中外茶鹽贖賞錢○彗
星退于參○八月壬寅朔詔戶部申嚴諸路州縣增收可取苗米
之禁○是夜彗惑填星合于昴○甲辰詔壬戌別院董試臺臣縱
游士假手物論喧嘩今春銓闈復然尤為無忌秋闈在迩可令御
史臺嚴為闕防毋踵前弊○乙巳詔舒有開左司諫兼侍講○丙
午詔湯宰兼崇政殿說書朱貔孫兼侍讀翁合兼侍講○巳酉都
省言知嘉定府洪濤迎奉新繁縣太祖皇帝以下六朝御容于本
府天慶觀一時權宜於禮未備詔令守臣選差武臣一員擇日迎
奉赴行在所奉安合行典禮今有司條具上于尚書省○庚戌彗
星退于參○丙辰詔皇太子宫滿歲宮師宮賓詹事以下各進一
秩醫官使臣減年支牒有差○戊午彗星退伏○庚申群臣奏請
御正殿復常膳表凡三上乃從之○甲子彗星復見于參○彗星
不滅上封者指言公田之外臨安府李生葉李蕭圭等上書詆似
道專權害民誤國似道怒嗾士人林德夫詣京尹劉良貴告李等
用金飾齋扁不法捕真之獄黥竄漳州

宋太祖嘗曰宰相須用讀書人似道以寵妃之弟不孝
無術與非其據之休休有容之量忌疾之念橫於胸中好說惡
直進佞退賢粉飾太平諱言邊事殺功臣以失士大夫之心行
公田以歛江浙之怨主淮謀以騷動東南之民戮士籍以鉗制
東南之士庇敗將則將校之心離各軍券則軍旅之心叛日積
月累无一而非失人心之事卒至滅國覆身擢髮不足數其罪
乙丑以姚希得兼權參知政事○巳巳詔師在輿陛辭精神不如
昔蓋郴州溪洞所係可別與差遣以優其老○辛未彗星化為霞
氣○九月巳丑日生格氣○是日雷○癸巳詔內侍李忠輔奪二
秩罷○巳亥詔程元岳右正言兼侍講張桂監察御史○十月乙
巳朝獻景靈宮○丙午月犯斗○庚戌詔冬至朝會權免○辛亥
詔十七界會浸輕並以十八界會易之限一月止○乙卯蠲臨安
府稅三月○乙丑詔物貴原於楮輕楮多今以見錢關子復
中與舊法每百七十七足陌以一準十八楮三千華錢楮虧折之
弊其官吏諸軍券請並以見錢關子全給○似道請秤提楮幣改
造金銀見錢關子以一準十八界會子之三十七界廢不用關子

聖宗示景宗定五年

之制上黑印如西字中三紅印相連如日字其下兩旁各一小長黑印如兩脚死然一貫字也閔子行物價頓蹶○上有疾不視朝○丙寅命官分禱于天地宗廟社稷宮觀○詔出封禪庫錢關二十萬賑都民諸軍亦如之○詔朕體違和服藥未效如卓澤有能治療得或痊者白身除節度使有官人及願就文資者並與比附推恩外更支賜錢十萬貫田五百頃二省出榜曉諭許徑赴麗正門外自陳差內侍一員收接文字即時聞奏○內降赦曰朕顧畏民庶祇膺帝監朝乾夕惕迪惟遺大投艱日邁月征永念志勲道遠若臨深而履薄迄去危而就安幸國步之小康乃朕躬之少爽端由積慮以致愆和宜特持於刑章庶助收於藥喜集於多福咨爾群情可大赦天下於戲人莫不欲生冀道迎於善氣天所助者順永孚佑於不圖咨爾多方體予至意○丁卯上崩遺詔皇太子溫文夙著仁孝有聞陞儲副者五年久參裁於庶務宜自春宮而嗣服允符至道之舊章可於柩前即皇帝位皇后佐佑朕躬章明坤載可尊皇太后應軍國事務並聽皇帝勳分爾其式遵成憲誕受多方益奉母儀恪承慈訓皇帝成服二日聽政喪紀以日易月

群臣共為寬釋勿過摧傷百官入臨並隨地之宜諸道州府長吏以下三日釋服在京禁音樂百日在外一月無禁祠祀嫁娶必邊不用辛亥山陵制度務從儉約應內外諸軍支賜及其他不在詔中者並聽皇帝勳分於戲人羨久生奈盈虛之有數天推純佑繫付託之得人更賴股肱元臣文武列辟交修不逮協贊不平咨爾群倫體予至意○尋以王倫麥卿充都大提舉喪事

四方咸仰於垂裳道遙古游乃乘遽同於脫屣三靈變色九有推心天不可梯民之無祿遠日有期南郊是請宜配雅頌有聖春秋謹按益法秉德遵業曰烈烈經天緯地曰文施仁服義曰仁保大定功曰武聰明文思曰安協時肇享曰孝亦夫十有三之大業是承四十餘年之治體不變非秉德遵業乎宸文者藻之昭回龜圖洛書之流布非經天緯地乎勸廉恤刑拔賢去佞非施仁服義乎長筭遠畧動中事機內憂外患之就底平非保大定功乎涉道深而情偽洞察在御久而典則昭明超然遠覽惟懷永圖非聰明文思乎父天母地敬事敬享內則尺志外則尺物非協時肇享乎越廟號之建久矣道德仁義皆帝王之徽稱也而未聞有以理為號者稽之益法曰慈惠有德而已理之為義而止於斯也不既淺乎大極理之根源也二氣五行理之流布也天下萬事萬化皆於理乎出而君師則主張乎是先儒則講貫乎是也自我藝祖皇帝開國之初古韓王趙普發明道理

理宗皇帝五年

最大之說由是本朝治體之純道李之粹遠同三代慶曆嘉祐
間豪傑並出濂洛之李上接洙泗熙寧之用程顥元祐之起程
頤紹興之聘尹彥明紹興之召朱熹列聖相傳皆欲表顯而尊
崇之矣宗之何王安石則邪說誣民也秦檜韓侂胄則姦臣擅
國也以新經字說胥天下為黃茅白草則安石之為也反國事
離率獸食人謂李為偽謂道為禁則檜侂之為也理李之廢與
關於世道之消長可勝言哉先皇帝自初踐祚始御講筵即未
嘗以名呼先儒若周元公顧則曰濂溪張邵伯載則曰橫渠二
程則曰伊川明道而尤為專用朱文公熹之四書自時厥後或
錫之美蓋或贈之封爵博祐視李首詔祀五臣而斥荆舒想邪
說正人心為去聖繼絕李為萬世開太平製緝熙一記製道統
十三贊造詣精矣書無迭一篇書思无邪母不敬六字微戒備
矣其土直既足以治天下其精微又以傳之聖子資善堂有記
元良有規道心精一之旨悉在焉下南宮十有二詔而未嘗不
以義理之李節節有司擢科目近乃人而未嘗不以義理之文造
多士中庸大李之書周程張朱呂之說家傳而人誦之士生斯
時爭自濯磨以通經李古為先務以窮理盡性為大原可以淑
群心可以支世變雖有捨接紛紜而國家基緒屹然不少動搖
者以我之本領端正而功用宏闊故也嗚呼往古來今內聖外
王一正理而已發揮正理不在孔子孟乎微闕洛諸儒繼之則大
道之去異端果孰勝而孰負哉主張正理不在我朝之列聖乎
微先皇帝繼之則聖傳之与俗李果孰顯而孰晦也會群獻之
精蘊言百家之異指接二帝三王群聖人統宗會元之粹而為
秦漢以來千數百年習浮踵誤之失謂非有功於是理乎理也

者天之所為而非人之所設也聖人本天命之性躬率性之道
而闡修道之教有功於是理者即有功於天也上帝臨汝无貳
尔心忠臣孝子於此時而稱天作證也可以端拜而議矣尊證
宜天錫之曰烈文文武安孝皇帝廟號理宗臣等謹議
禮部議曰魏魏乎流光乎將欽崇於陽趾用作龜於祔宮編
毫終若為模繪夫理功之基也功理之興也其來也幾微易簡
其究也廣大堅固是或一道也循天下之理之謂道繼去聖之
絕李昭皇王之六紀非建乎得天下之理之謂德四十年之深
積一太極之海全非備乎道見乎變之謂功海內之治皆上世
所難及非大乎道之察然之謂與景定之元號為天下重開非
復乎理无所不通也天運神化博施濟眾之方非聖乎理无乎
不獨也宇定光發恢廣覽兼聽之公非明乎合烈文仁武安孝
之號為尊明令顯隆盛之稱乃古在前億載在後无一息非天
理之流行也勒之崇鶴寫之璇璣薦之上帝昭我理宗上配藝
祖与天无極臣謹拜手稽首請上徽號曰理宗建道備德大功
復興烈文仁武聖明安孝皇帝

○詔以明年正月一日改為咸淳元年大赦天下

名儒講義續宋資治通鑑卷之三十一

理宗示景定五年

